

Epidendrum majale Schltr. n. sp.

Epiphyticum, erectum, 10—15 cm altum; rhizomate valde abbreviato; radicibus filiformibus, flexuosis, glabris; caulibus paulo compressis, flexuosis, simplicibus, bene foliatis, vaginis foliorum arcte amplectentibus omnino obtectis, vix 2 mm diametientibus; foliis patentibus, oblongo-ligulatis, obtusis, coriaceis, 2,5—4,5 cm longis, medio fere 7—12 mm latis; racemis terminalibus, subsessilibus umbelliformi-abbreviatis, basi vaginis paucis brevibus, obtusis, compressis donatis; bracteis parvulis, ovario pedicellato multo brevioribus; floribus illis *E. difforme* Jacq. similibus et fere aequimagnis, glabris; sepalis anguste ligulatis, nervo medio extus carinato-incrassatis, obtusiusculis, 1,7 cm longis, lateralibus porrectis, margine inferiore supra medium paulo dilatatis; petalis recurvis angustissime linearibus, obtusiusculis, sepalorum longitudine; labello e ungue lineari, 1,2 cm longo, columnae omnino adnato, in laminam quadrato-reniformem basi cordatam antice trilobatum expanso, lobis lateralibus rotundatis, obtusis, intermedio antico e basi angustiore transverse elliptico apiculato, lamina tota 8 mm longa, medio 1,1 cm lata, basi callis 2 obtusis ornata, lineis 3 incrassatis antepositis, linea mediana usque in medium lobi antichi decurrente, lobo antico 3,5 mm longo, 3,75 mm lato; columna gracili, leviter curvata, apicem versus dilatata, clinandrio dorso lacerato, 1,2 cm longo, ungui labelli adnata; ovario cum pedicello gracili, glabro, c. 1,7 cm longo.

Costa Rica: Forêts des collines de San Ramon, 1500 bis 1600 m. — A. Tonduz (n. 17620 herb. Mus. Nac. Costa Rica), Mai 1913.

Dem *E. difforme* Jacq. recht ähnlich, aber mit ganz anders gestalteter Lippe.